

Neuvot planketille äitinkielenopetuksen hakemukselle

Äitinkielestä ja äitinkielenopetuksesta

Äitinkieli on vapaaehtonen ja ilmainen kouluaine jota opetetaan ortinaarie kouluaijan ulkopuolella ja jossako sitä saapii petykit. Äitinkielenopetusta tarjotaan esikoululuokassa, peruskoulussa, peruserityiskoulussa, jymnaasiakoulussa ja jymnaasiaerityiskoulussa.

Koululain mukhaan Språkcentrum Mölndal tarjoaa opetusta äitinkielessä jos oppilhaala/oppilas

- oon vähhiinhääns yks huoltaja jollako oon kieli hänen äitinkielenä
- käyttää kieltä jokapäiväsessä yhdessäolossa koissa ja
- oon perustiot kielessä.

Oppilhaitta jotka kuuluvat johonki kansalisheen minuriteethiin ei vaaita ette kieli oon oppilhaan jokapäivänen yhdessäolokieli koissa elikkä ette oppilhaala oon perustiot kielessä.¹ Atopteeratuile lapsile tarjotaan opetusta muussa kielessä ko ruottinkielessä jos niillä oon perustheeliset tiot kielessä, vaikka kieltä ei puhutta kotona. Nämät määräykset jälleavat kansa yksintuleville lapsile.

Äitinkielenopettaja päättää, neuvottelussa rehtorin kansa, jos oppilhaala oon perustheeliset tiot kielessä ja sen matkassa kohtuuliset etelytykset ette saavuttaa päämäärät kursiplaanissa äitinkielen aihneele.

Se vaaitaan ette vähhiinhääns viis oppilasta halvaavat opetusta yhdessä ja samassa kielessä ette äitinkielenopetusta järjestethään kunnassa, paitti kansalisille minuriteettikielile. Ette järjestää ryhmiä joissako oon vähhiinhääns viis oppilasta laitethaan yhtheislukemista oppilhaitten kansa monesta koulusta ja eri iässä. Ette äitinkieleopetusta mennee alottaa vaaitaan sitä paitti ette sopevan opettajan saatethaan palkata.

Tärkeätä tietää sulle joka tehet hakemuksen

- Jos oppilhaala oon kaks huoltajaa vaaitaan molemitten allekirjotus hakemuksheen.
- Hakemus oon sitova ja osalistuminen rekistreeerathan niinku muussaki opetuksessa. Jatkuva poijessaolo ilman syytä usealla kerralla johtaa ylössanomisheen.
- Uuet hakemukset käsitelhään lukuvuen aikana ja jos oon maholista paikka järjestethään olehvaan ryhmään.
- Äitinkielenopetusta tarjotaan vain yhdessä kielessä oppilasta kohin.
- Ulossanominen tehään kirjetettuna vasitulla planketilla. Jos oon kaks huoltajaa vaaitaan molemitten allekirjotus.

¹ Jällaa suomenkieltä, jiddiksenkieltä, meänkieltä, roominkieltä ja saamenkieltä